



## TOSHKENT DAVLAT YURIDIK UNIVERSITETI REKTORINING B U Y R U G ' I

07.01.2023

3-um-son

### **Toshkent davlat yuridik universiteti tuzilmasini takomillashtirish to'g'risida**

O'zbekiston Respublikasi Prezidentining 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son qarori 1-bandi "b" kichik bandiga muvofiq va O'zbekiston Respublikasi adliya vazirining 2020-yil 22-iyulda "Toshkent davlat yuridik universitetining ustavini tasdiqlash to'g'risida"gi 126-um-son buyrug'iga asosan, shuningdek, universitetda yangi bo'limlar faoliyatini tashkil etish maqsadida

### **BUYURAMAN:**

1. O'zbekiston Respublikasi Prezidentining 2021-yil 24-dekabrda PQ-60-son qarori 1-bandi, "b" kichik bandi uchinchi xatboshisiga muvofiq, 2022/2023 o'quv yilidan boshlab moliyaviy mustaqillik berilgan davlat oliy ta'lim muassasalariga oliy ta'lim muassasalari uchun belgilangan normativlardan qat'i nazar muassasaning tuzilmasini tasdiqlash va shtat birliklari sonini belgilash vakolati berilganligi inobatga olinsin.

2. Toshkent davlat yuridik universitetida talabalar kontingenti (6501dan ortiq) oshganligi munosabati bilan universitetning budjetdan tashqari mablag'lari hisobidan 2023-yil 4-yanvardan Toshkent davlat yuridik universitetida:

3 shtat birliklari (bo'lim boshlig'i, bosh mutaxassis va yetakchi mutaxassis)dan iborat bevosita rektorga bo'ysunuvchi **Transformatsiya bo'limi**;

O'quv-uslubiy boshqarma (Registrator ofisi) tarkibida 3 ta shtat birliklari (bo'lim boshlig'i va 2 ta iqtisodchi)dan iborat **Ta'lim shartnomalari va to'lovlarini muvofiqlashtirish bo'limi**;

**Kiber huquq kafedrasi** va **Davlat boshqaruvi** kafedrasi hamda mazkur kafedralar uchun belgilangan tartibda ish yurituvchi (2 ta shtat birligi) lavozimlari joriy etilsin.

3. 2023-yil 4-yanvardan universitetning:

Qabul jarayonini tashkil etish bo'limiga qo'shimcha bosh mutaxassis (1 shtat birligi) lavozimi;

Kadrlar bo'limi inspektori (1 shtat birligi) lavozimini qisqartirish hisobiga,

mazkur bo'limga qo'shimcha bosh mutaxassis (1 shtat birligi) lavozimi qo'shib berilsin.

4. Toshkent davlat yuridik universiteti tuzilmasi yangi tahrirda ilovaga muvofiq tasdiqlansin.

5. Bir hafta muddat ichida O'quv-uslubiy boshqarma (Registrator ofisi) S.Bozarov:

yangi tashkil etilgan kafedralarning o'qitadigan fanlari, o'quv tusdagi tadbirlari va ularga ajratilgan soatlarni;

universitet kafedralari va markazlarining fakultet dekanatlari bo'yicha taqsimotini ishlab chiqsin.

6. Ekspluatatsiya va ta'mirlash boshqarmasi (I.Bozarov) va Elektron universitet bo'limi (A.Karimov) yangi tashkil etilgan tarkibiy bo'linmalar faoliyatini samarali tashkil etish uchun zarur shart-sharoitlar yaratish choralari ko'rsin.

7. Kadrlar bo'limi (S.Mamanazarov) va Yuridik byuro (D.Aliboyev) universitet ichki hujjatlarini ushbu buyruqqa muvofiqlashtirish choralari ko'rsin.

8. Moliya-iqtisod bo'limi (A.Raximov) universitetning boshqaruv, texnik, xizmat ko'rsatuvchi va o'quv-yordamchi xodimlari hamda professor-o'qituvchilar tarkibi bo'yicha shtat jadvalini mazkur buyruqdan kelib chiqqan holda ishlab chiqib, 2023-yil 4-yanvardan joriy etilishini ta'minlasin.

9. Toshkent davlat yuridik universiteti rektorining 2022-yil 14-dekabrdagi 386-um-son buyrug'ining 3-bandi va ilovasi o'z kuchini yo'qotgan deb hisoblansin.

10. Mazkur buyruqning bajarilishini nazorat qilishni o'z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Bo'lim boshlig'i

A.RAXIMOV



### **Kelishildi:**

Moliya-iqtisod ishlar bo'yicha  
prorektor

A.IMINOV



Bosh buxgalter

M.PARPIYEV



Bo'lim boshlig'i

S.MAMANAZAROV



yuriskonsult

D.ALIBOYEV



Boshqarma boshlig'i

S.BOZAROV

